

Հ Ա Շ Վ Ե Տ Վ ՈՒ Թ Յ ՈՒ Ն  
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

**1. Անունը, ազգանունը.**

Արսեն Սարոյան:

**2. Զբաղեցրած պաշտոնը.**

ԱԻՆ Փրկարար ծառայության փրկարարական ուժերի վարչության պետի տեղակալ,  
փրկարարական ծառայության գնդապետ:

**3. Գործուղման վայրը և ժամկետները.**

Ղրղստանի Հանրապետություն, Բալիկչի քաղաք, Ղրղստանի Հանրապետության  
Զինված Ուժերի «Էդելվեյս» զորավարժարան, 2019 թվականի օգոստոսի 5-ից 8-ը:

**4. Հրավիրող կողմը.**

Ղրղստանի Հանրապետության Ներքին գործերի նախարարություն:

**5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).**

Համաձայն ՀԱՊԿ անդամ պետությունների Անվտանգության խորհուրդի քարտուղարների կոմիտեի կողմից 2018 թվականի մայիսի 24-ին հաստատված ՀԱՊԿ ղեկավարման մարմինների և հավաքական անվտանգության ուժերի ու միջոցների կազմավորումների 2019 թվականի համատեղ պատրաստության պլան-ժամանակացույցի՝ մասնակցություն է ցուցաբերվել ՀԱՊԿ անդամ պետությունների Օպերատիվ արձագանքման հավաքական ուժերի (ՕԱՀՈՒ) Հատուկ նշանակության ուժերի կազմավորումների (ՀՆՈՒԿ) կազմում ներգրավված անվտանգության մարմինների, ներքին գործերի նախարարությունների (ոստիկանության), ներքին զորքերի, արտակարգ իրավիճակների կանխման և հետևանքների վերացման ոլորտում լիազոր մարմինների ստորաբաժանումների ղեկավար կազմի Ուսումնամեթոդական հավաքին՝ «Հավաքական անվտանգության պայմանագրի կազմակերպության Օպերատիվ արձագանքման հավաքական ուժերի Հատուկ նշանակության ուժերի կազմավորումների պատրաստության կատարելագործումը» թեմայով:

**6. Քննարկված թեմաները.**

1) ՀԱՊԿ Օպերատիվ արձագանքման հավաքական ուժերը, կազմը, նշանակությունը.

2) ՕԱՀՈՒ զորակազմերի պատրաստության կատարելագործումը.

3) ՀՆՈՒԿ ստորաբաժանումների կառավարման կազմակերպումը.

4) պաշտոնեական և հատուկ պարտականությունների կատարմանն ուղղված ՀՆՈՒԿ ղեկավար կազմի մասնագիտական պատրաստության մակարդակի բարձրացումը.

5) ՀՆՈՒԿ միասնական խնդիրների կատարման ընթացքում ստորաբաժանումների միջև համագործակցության կազմակերպման կատարելագործման հարցերը:

### **7. Հանդիպումները, ելույթները, բարձրացված կամ քննարկված հարցերը.**

1. Ուսումնամեթոդական հավաքն անցկացվեց Հավաքական անվտանգության պայմանագրի կազմակերպության գլխավոր քարտուղարի պաշտոնակատար Վ.Սեմերիկովի ղեկավարությամբ, ՀԱՊԿ Քարտուղարության Խորհրդատուներ՝ Մ.Մելիխովի, Ս.Գոնչարի, Վ.Նեկլյուդովի և ՀԱՊԿ ՕԱՀՈՒ ՀՆՈՒԿ կազմում ներգրավված անվտանգության մարմինների, ներքին գործերի նախարարությունների (ուստիկանության), ներքին զորքերի, արտակարգ իրավիճակների կանխման և հետևանքների վերացման ոլորտում լիազոր մարմինների ստորաբաժանումների ղեկավար կազմի մասնակցությամբ:

ՀԱՊԿ Քարտուղարության կողմից հատուկ կարևորվեց ՀԱՊԿ ՕԱՀՈՒ կառավարման համակարգի ստեղծման ու հետագա զարգացման ուղիները և այդ կապակցությամբ նշվեց՝ ինչպես հաջողությունների ու ձեռքբերումների, այնպես և առկա խնդիրների ու բացթողումների մասին, մասնավորապես՝

1) ՀԱՊԿ քարտուղարությունն իր գոհունակությունն ու շնորհակալությունը հայտնեց 2018 թվականի սեպտեմբերի 10-ից 11-ը Ղազախստանի Հանրապետությունում ՀԱՊԿ անդամ-պետությունների փրկարարական ստորաբաժանումների պատրաստության «Скальный город-Астана» բազային զորավարժարանում (Ալմաթի մարզ, Կապչագայ քաղաք) բարձր մակարդակով անցկացված հատուկ-տակտիկական ուսումնավարժության կազմակերպիչներին և մասնակիցներին.

2) ՀԱՊԿ ղեկավարման մարմինների և հավաքական անվտանգության ուժերի ու միջոցների կազմավորումների համատեղ պատրաստության պլաններով իրականացվող միջոցառումներին հաճախակի մասնակցում են փոփոխվող (տարբեր) ներկայացուցիչներ՝ ինչը բացասական է այն առումով, որ հանգեցնում է ցածր պատրաստվածության ու չի ապահովում գիտելիքների նվազագույն մակարդակը.

3) ՀՆՈՒԿ ստորաբաժանումների անձնակազմի համար միասնական համազգեստի ներդրման անհրաժեշտության և այդ ուղղությամբ իրականացվող աշխատանքների և հնարավորությունների մասին.

4) ՀԱՊԿ ճգնաժամային կառավարման կենտրոնի ստեղծման և մասնավորապես՝ Հայաստանի համար այդ ուղղությամբ կահավորման հարցի լուծման մասին.

5) ՀԱՊԿ Պաշտպանության նախարարների խորհրդի 2019 թվականի ապրիլի 30-ի և Անվտանգության խորհրդի քարտուղարների կոմիտեի 2019 թվականի հունիսի 27-ի որոշմամբ հաստատված կառավարման մարմինների և կազմավորումների ուժերի և միջոցների անվտանգության հավաքական համակարգի միասնական պատրաստության 2020 թվականի պլան-ժամանակացույցով Հայաստանում նախատեսվող հատուկ ուսումնավարժության անցկացումը ՌԴ Նոգինսկի զորավարժարան տեղափոխման մասին:

2. Մասնակցություն ցուցաբերվեց Ուսումնամեթոդական հավաքի հետ համատեղ անցկացվող՝

1) «Գրոմ-2019» հատուկ տակտիկական ուսումնավարժության հանդիսավոր բացմանը.

2) ուսումնավարժության մասնակիցների միջև կրակային մրցումներին.

3) անօդաչու թռչող սարքավորումների ցուցահանդեսին:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Որոշվեց Ուսումնամեթոդական հավաքի մասնակիցների էլեկտրոնային հասցեներին ՀԱՊԿ քարտուղարության կողմից ուղարկել անհրաժեշտ փաստաթղթերի փաթեթը՝ ուսումնասրության և ուսուցման համար:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

1. Հաշվի առնելով, որ վերջին անակնկալ ստուգումն իրականացվել է 2015 թվականին և առկա են որոշակի չլուծված հարցեր, առաջարկվեց անակնկալ ստուգում իրականացնել նաև 2020 թվականին՝ ՀԱՊԿ Օպերատիվ արձագանքման հավաքական ուժերի զորակազմերի և Հատուկ նշանակության ուժերի կազմավորումների Օպերատիվ ծավալման (փոխադրման) պլանի իրատեսության վերաբերյալ:

2. ՀԱՊԿ քարտուղարության կողմից համառ խնդրանք հնչեցվեց՝ ՀԱՊԿ շրջանակներում իրականացվող միջոցառումանը և նախորդող շտաբային բանակցություններին պարտադիր նույն ներկայացուցչի մասնակցությունն ապահովելու անհրաժեշտության մասին:

**10. Ստորագրությունը, ամսաթիվը:**



12.08.2019թ.